

赤水玄珠第二十五卷幼科目錄

初誕門

甘草法

殊蜜法

秘法

斷臍法

回氣法

戒灸

浴兒法

下地不啼哭

初生大小便不通

胎毒宜下

穀道不通

週身無皮

週身發泡

陰囊入腹不下

噤風

撮口

臍風

臍突光腫

臍汁不乾

賜瘥

驚口白屑

鼻風傷顙

潮熱

風熱

看形色舌音脉息

診脉歌

看顙顙要畧

入門看証歌

變蒸

明驚風篇

急驚風

慢驚

夜啼

客忤

軀啼

呬毒

赤遊風毒

口瘡

重舌

木舌

腫脰

腫

斷乳法

行遲

頃軟

滯頤

目錄

示水玄珠

二下五卷

目錄

二

赤水玄珠幼科二十六卷目錄

脫肛門

哮喘門

咳嗽門

吐瀉門

癰門

淋門

遺尿門

外腎光腫門

痢門

瘡門

吃坭 吃生米門

耳門

龜胸龜背門

蟲門

疳門

癰門

新安生生子孫一奎舊輯

小兒門

諸雜症大方脉可以槩治者茲不復錄所錄惟異於大方脉者省繁瑣便應治也顧余不文然幼科但當闡明証候選擇良方俾婦人女子皆可通曉庶爲法旨

初誕門

小兒初誕猶如嫩蕊嬌花切當調護得宜庶無不測之症古謂初離母體口有液毒啼声未出急用絲綿裹指拭去口中濁穢爲妙此固良法然倉卒多不暇及且亦多

有拭之而不見物古人有落地解毒法回氣法將護法
種種森立蒐輯于左以爲保生良式

甘草法 臨月預備甘草少許以綿裹之臨產時用沸湯
浸蓋內俟兒落地未出聲時急取綿裹指頭蘸甘草汁
拭其口次用硃蜜法

硃蜜法 用甘草湯飛過硃砂末三五分以蜂蜜拌勻旋
抹口中使其嚥下不獨鎮心安神能解一切胎熱惡物
之毒免痘熱之患

又秘法 用本兒落下臍帶瓦上焙燥爲末入辰砂黃連
甘草各末五分和勻蜜拌做三五次塗乳母乳上俟兒
吞之必使一日夜吞盡次日惡毒皆從大便而出日後

不但痘疹稀疎竟有不出痘者俟臍帶落下即便製服
在六七八日之間爲妙其辰砂必須研極細末以甘草
湯飛過任服無害此方一以解毒一以補養蓋臍帶乃
有生初之河車也繫於母之命門兩腎之所主乃以腎
補腎腎既充足卽不受邪故無他日及黑歸_腎之症亦無
顛門不合之疾生一兒卽得一兒直保生最上一乘_{良法}

斷臍法

千金論云凡結束所留臍帶大約六寸長則傷

肌又斷臍切不可用刀割蓋鉄器寒冷恐傷生氣只須
隔單衣咬斷後將暖氣呵七口庶無內吊之疾必先用
熟湯浴過方斷臍若斷後浴之恐水氣入內令兒腹疼
回氣法 初生氣欲絕不能啼者必是難產或冒寒所致

急以綿絮包裹抱懷中未可斷臍且置炭火上燒之仍作大帟撚蘸芝蘇油點着于臍帶上往來遍燎之使火氣入臍則腹中溫煖更用熱醋湯盪洗臍帶須臾氣回啼哭如常方可浴洗斷臍切記

戒灸 此方誕後三日每用艾灸顙門以免驚風緣北方地土嚴寒故俗灸之以禦寒善調護者何必令兒受此一翻痛苦也今南方每亦倣數寸屢見灸後發熱大小便秘因而驚搐遂致不救良切憫焉殆無事生事也詎思南方地熱耽孕者又不斷慾食淡薄味是貪慾情肆意胎已受毒加之以灸是以油濟火也曷克當之

浴兒法 第三日浴兒子每用五枝湯極妙五枝湯者桑

槐榆桃柳是也各取嫩枝三寸長者二三十節煎湯看
冷熱入猪膽汁一箇浴之周歲內可免瘡疥丹毒又可
以避邪惡 蓋三日浴兒俗禮也倘兒生脆弱遲十數
日或半月亦無害擇晴明吉日於無風房內浴之

兒生下地卽不啼哭不能吞乳奄奄如死者急看喉間懸
癰前膊上有一泡用指澆破以帛拭去惡血勿令嚥下
卽能通聲吞乳

初生大小便不通腹脹欲絕者急令人溫湯漱淨口吸嘔
兒之前後心臍下兩手足心共七處每處吸嘔五七口
取紅赤色氣透爲度氣透則便自通

輕号散 初生大便不通 輕粉二錢生蜜拌熱湯調點兒

口中一二次立通

初生六十日不小便 葱白三四寸搗爛人乳拌入兒口
內再與乳吮嚥下卽通

楊氏曰小兒在胎受病非一大抵裏氣蘊結壅閉不通宜
早取下胎毒

千金論曰小兒始生其氣尙盛若遇疾病卽須下之下不
及時必成別症

凡下胎毒只宜用淡豆豉濃煎汁與三五口其毒自下又
能助養脾氣消化乳食

初出胞胎而不吮乳者或由產母過度胎中受寒則令兒
腹痛故不吮乳亦有口中惡物拭之不及嚥下腹中致

令嘔吐茯苓丸木香散治之

茯苓丸 治惡血入腹腹脹氣短不能吮乳 赤茯苓

黃連

枳殼炒各等分

右爲末煉蜜丸梧子大每一丸乳

汁磨下

冷者去黃連

木香散

治惡穢入腹嘔吐不止

木香

乾姜

茯苓

木瓜

甘草

炙

丁香

各等分

右爲末每服一錢生姜

一片水煎綿蘸捏入口中效

奇方

治初生不乳及不小便葱號散

葱白

一四界破

之以乳汁砂礮肉煎灌之立效

小兒初生穀道不通多致不救非藥石可治曾有人以銀

筋頭燒紅穿通其竅大便始出亦有用玉簪通者

初生下週身無皮俱是紅肉宜速取白朮米粉通身撲之
其皮漸生一日撲三四次以皮遍爲度

初生下遍身如魚泡或如水晶擦破則水滲流以蜜佗僧
研極細炒過乾摻仍服蘇合香丸

初生六七日後陰囊收縮入腹啼哭不止者受寒所致蓋

寒則收引也

硫黃

吳茱萸

各五錢

爲細末研大蒜調

塗臍下仍以蛇床子微炒帛包慰其囊卽下

初生受風鼻塞不能吮乳不可輕易發散惟大天南星爲
末生姜自然汁調成膏貼於顙門卽愈

又方 草烏皂莢爲末葱汁搗膏貼於顙門效

噤風撮口臍風

三症一種病也

噤風者眼閉口噤啼聲漸少舌上聚肉如粟米狀吮乳不得口吐白沫大小便皆通蓋由胎中感受熱氣毒流心脾故形現於喉舌也或下生復爲風邪搏擊所致一百二十日已前見此皆名噤風

撮口者面目黃赤氣自喘急啼聲不出蓋由胎氣挾熱兼之風邪入臍流毒心脾之經故令舌強唇青聚口撮面妨於吮乳若口出白沫四肢冷者不可救也其或肚脹青筋吊腸卵疝內氣引痛皆腸胃結滯不通治宜疎利蓋撮口最爲惡候月內見之尤急候也

臍風者非獨謂斷臍之時爲水濕風邪所乘多因胎中受熱兼之風濕所激遂令肚脹臍腫身軀重而四肢柔直

啼而不乳甚則發爲風搐若臍邊青黑兼之撮口乃是
內搐不治爪甲黑者卽死其或熱在胸堂伸引努氣亦
令臍腫可與千金龍膽湯

此三症受病之源皆緣胎毒大槩裏氣壅滯總宜取
下胎毒爲好不可因循畏手畏姑息誤事古方天麻
丸定命丹朱銀丸可量與之須危多活每見臍風撮
口七日内見之百難一生

凡見此三症急看口中齒齦上有小白點如粟米大卽宜
以溫水蘸帛裹指揩去或用銀簪挑去卽能開口吮乳
不必服藥此感之淺者也感之重者照後方按治

安臍散 治臍中汁出或赤腫 白石脂 研極細一日

三度傳之 或用油頭髮燒灰傳 或當歸末傳亦佳

千金龍膽湯 治胎驚月內氣盛發熱臍風撮口壯熱四

肢搐掣發熱大吐及變蒸不解中惡客忤鬼氣并諸驚

癇悉皆治之十歲已下皆可服有魘氣者加人參當歸

兒大者一歲加五錢 龍胆草 鈎藤 柴胡 黃芩

桔梗 芍藥 茯苓 甘草 各五錢 蜣螂 二枚去足翅炙 大黃 二錢

半錢 右每服二錢水煎去半服之以漸加之俟大便秘

即止 直指方加防風麥門冬以導心熱黃芩減半

加北棗無蜣螂亦可

控痰散 治噤風先用此吐風涎次與益脾散和胃

蝎尾 銅青 各五分 硃砂 一錢 膩粉 一字 射香 一分 爲細末每服

一茶清調下或用甘草湯吐痰亦可

甘草湯 治撮口取吐風痰 甘草三錢 水煎服令吐出

痰涎却以猪乳點入口中即愈

益脾散 和胃進乳 白茯苓 人參 草果煨 木香濕

包甘草 陳皮 厚朴姜製 蘇子炒各等分 右每服二

三錢看大小水煎服

辰砂膏 治眼閉口噤啼声不出吮乳不得口吐白沫大

小便皆通 辰砂三錢 硼砂 牙硝各一錢半 玄明粉二錢

射香一字 全蝎 珍珠各一錢 右為細末厚油帛包封自成

膏 每服一荳許粒薄荷金銀湯下月內用乳汁調

傅乳母妳上令兒吮下